

«Бекітемін»
Шымкент қаласы ДСБ ШЖҚ
«Қалалық перинаталдық
орталық» МҚҚ бас дәрігерінің м. а.



Г. Сыздыкова
2023 жылты « 10 » майда

**ШЫМКЕНТ ҚАЛАСЫНЫҢ ШЖҚ
«ҚАЛАЛЫҚ ПЕРИНАТАЛДЫҚ ОРТАЛЫҚ» МҚҚ
СЫБАЙЛАС ЖЕМҚОРЛЫҚҚА ҚАРСЫ СТАНДАРТЫ**

1.Жалпы ережелер

1. Шымкент қаласының денсаулық сақтау басқармасының шаруашылық жүргізу құқығындағы «Қалалық перинаталдық орталық» мемлекеттік коммуналдық кәсіпорнының (Бұдан әрі-Кәсіпорын) сыйбайлас жемқорлыққа қарсы стандарты (бұдан әрі – Сыйбайлас жемқорлыққа қарсы стандартты) **Қазақстан Республикасының 2015 жылғы 18 қарашадағы «Сыйбайлас жемқорлыққа қарсы іс-қимыл туралы» Заңының** 10-бабына және Қазақстан Республикасының Мемлекеттік қызмет істері және сыйбайлас жемқорлыққа қарсы іс-қимыл агенттігі қоғамдық қатынастардың оқшауланған салаларында бекіткен сыйбайлас жемқорлыққа қарсы стандарттарды өзірлеу жөніндегі әдістемелік ұсынымдарға сәйкес әзірленген.
2. Сыйбайлас жемқорлыққа қарсы стандарттың өзірлеушісі - Шымкент қаласының денсаулық сақтау басқармасының шаруашылық жүргізу құқығындағы «Қалалық перинаталдық орталық» мемлекеттік коммуналдық кәсіпорны. Сыйбайлас жемқорлыққа қарсы стандарты - Денсаулық сақтау саласы үшін сыйбайлас жемқорлықтың алдын алуға бағытталған ұсынымдар жүйесін белгілеуге бағытталған.
3. Сыйбайлас жемқорлыққа қарсы стандартты өзірлеу міндеттері:

- 1) медициналық ұйымдарда жұмыс істейтін адамдарда сыйбайлас жемқорлыққа қарсы тұрақты мінез-құлықты қалыптастыру;
- 2) Сыйбайлас жемқорлық көріністерін дер кезінде анықтау және олардың жағымсыз салдарының алдын алу.

Сыйбайлас жемқорлыққа қарсы стандарттың қағидаттары мыналар болып табылады:

- 1) заңдылық;
- 2) транспаренттілік;
- 3) әдептілік;
- 4) жеке және занды тұлғалардың құқықтары мен занды мұдделерін сақтау және оларды сыйбайлас жемқорлық көріністерінен қорғау;
- 5) мұдделер қақтығысын болдырмау.

2. Қоғамдық қатынастар саласында жұмыс істейтін адамдардың мінез-құлық (іс-қимыл) қағидалары

2.1. Сыйбайлас жемқорлыққа қарсы стандартта қозғалатын салада жеке және занды тұлғалардың құқықтары мен занды мұдделерін іске асыру кезінде қоғамдық қатынастар саласында жұмыс істейтін адамдар:

1) Қазақстан Республикасының Конституциясына, Зандарына және өзге де нормативтік құқықтық актілеріне сәйкес заңдылық қағидатын басшылыққа алуға міндетті;

2) азаматтар мен заңды тұлғалар құқықтарының, бостандықтары мен заңды мүдделерінің сақталуын және қорғалуын қамтамасыз етуге, заңдарда белгіленген тәртіп пен мерзімде азаматтардың өтініштерін қарастыруға, олар бойынша қажетті шаралар қолдануға міндетті;

3) көзделмеген құжаттарды талап етуге жол бермеуге, сол сияқты мемлекеттік қызметтер мен өзге де рұқсат беру функцияларын көрсету барысында қағазбастылықтан (төрешілдіктен) барынша аулақ болуға тиіс;

4) лауазымдық өкілеттіктерін жүзеге асыру кезінде саяси партиялардың, қоғамдық және діни бірлестіктердің қызметінен бейтарап және тәуелсіз болуға;

5) Мемлекеттік қызметтерді тұтынушы ретінде халықтың сұрау салуларына толығымен бағдарлана отырып, көрсетілетін мемлекеттік қызметтердің сапасын арттыру бойынша тұрақты шаралар қабылдау;

6) лауазымдық өкілеттіктерін атқару кезінде алатын, азаматтардың жеке өмірін, ар-намысы мен қадір-қасиетін қозғайтын мәліметтерді жария етпеуге және Қазақстан Республикасының заңнамасында көзделген жағдайларды қоспағанда, олардан мұндай ақпарат беруді талап етпеуге; ;

7) мүдделер қақтығысына жол бермеу, ал олар туындаған кезде заңнамага сәйкес оларды жою бойынша шаралар қабылдау және мүдделер қақтығысының туындауы, қызметтік міндеттерді орындау кезіндегі жеке мүдделілік, сыйбайлас жемқорлық міnez-құлыққа және сыйлықтар алуға көндіру туралы тікелей немесе тікелей басшыға баяндау;

2.2. Қоғамдық қатынастар саласында жұмыс істейтін адамдар өз құзыretі шегінде басқарушылық және өзге де шешімдерді дайындау мен қабылдау кезінде:

1) адал, әділ, қарапайым болуға, жалпы қабылданған моральдық-әдептілік нормаларын сақтауға, азаматтармен және әріптестерімен қарым-қатынаста сыпайылық пен әдептілік танытуға;

2) азаматтық қызметшінің құзыretіне кіретін шешімдер қабылдау кезінде өзінің заңды міндеттерін орындауға байланысты ешқандай материалдық игіліктер, көрсетілетін қызметтер және өзге де артықшылықтар қабылдамауға тиіс;

3) өзіне берілген құқықтар шегінде және қызмет міндеттеріне сәйкес өкілеттігін жүзеге асыруға құқылы;

- 4) лауазымдық міндеттерін атқару кезінде жеке және занды тұлғаларға артықшылық көрсетпеуге, олардың ықпалынан тәуелсіз болуға;
- 5) еңбек тәртібін бұлжытпай сақтауға, берілген өкілеттіктерді тиімді иеленуге;
- 6) өзінің қызметтік міндеттерін адал, бейтарап және сапалы атқаруға, жұмыс уақытын ұтымды және тиімді пайдалануға міндетті.

2.3. Шымкент қаласының денсаулық сақтау басқармасының шаруашылық жүргізу құқығындағы «Қалалық перинаталдық орталық» мемлекеттік коммуналдық қәсіпорнының лауазымды адамдарына жүктелген лауазымдық функцияларды орындау кезінде:

- 1) азаматтар мен занды тұлғалардың өтініштері бойынша уақтылы шаралар қабылдауға міндетті;
- 2) Жеке және занды тұлғалардың өтініштері мен шағымдарын қарау кезінде әуре-сарсаңға салу фактілеріне жол бермеу;
- 3) басқа адамдарды сыйайлас жемқорлық құқық бұзушылықтар жасауға көндірмеуге және ынталандырмауға тиіс;
- 4) әріптестерге, басшыларға және өзге де лауазымды адамдарға лауазымдық өкілеттіктерді пайдалана отырып мүліктік пайда, игіліктер не артықшылықтар алу үшін сыйлықтар бермеуге және қызметтік емес қызметтер көрсетпеуге;

2.4. Қәсіпорын қызметкерлерін/жұмыскерлерін іріктеу және орналастыру бойынша кадрлық жұмысты ұйымдастыру кезінде Шымкент қаласының денсаулық сақтау басқармасының шаруашылық жүргізу құқығындағы «Қалалық перинаталдық орталық» мемлекеттік коммуналдық қәсіпорнының басшылары мен лауазымды тұлғаларына ұсынылады:

- 1) қызметке/қәсіпорынға жұмысқа үміткерлерден еңбек шартын жасасу үшін қатысы жоқ құжаттарды талап етпеуге; ;

2.5. Басқа қоғамдық маңызы бар қатынастар кезінде қоғамдық қатынастар саласында жұмыс істейтін адамдар өмір сұру саласының ерекшелігіне байланысты:

- 1) мемлекет мұддесіне нұқсан келтіретін, мемлекеттік мекеменің жұмыс істейтиімділігіне кедергі жасайтын немесе тиімділігін төмендететін іс-әрекеттерге қарсы тұруға міндетті;
- 2) жасағаны үшін заңнамада тәртіптік, әкімшілік немесе қылмыстық жауаптылық көзделген құқық бұзушылықтар мен теріс қылықтарды жасауға жол бермеуге;

3) іскерлік әдепті және ресми мінез-құлық қағидаларын сақтауға міндettі.

4) басқа азаматтық қызметшілер тараپынан жалпы қабылданған моральдық-әдептілік нормаларын бұзудың жолын кесуге немесе оларды болдырмау жөнінде өзге шаралар қабылдауға міндettі;

5) ұжымда әріптерінің ар-намысы мен абыройына кір келтіретін жеке және кәсіби қасиеттерін талқылаудан аулақ болуға;

6) басшылардың тапсырмаларын орындау барысында тек объективті және анық мәліметтер беруге міндettі.

7) олардың қызметінің нәтижелерін бағалау, сондай-ақ көтермелеген және жазалау шараларын қолдану кезінде әділдік пен объективтілік танытуға міндettі;

8) қарамағындағы қызметкерлерді сыйбайлас жемқорлық құқық бұзушылықтар жасауға мәжбүрлемеу;

9) әріптердің өздерінің лауазымдық міндеттерін орындау барысында туындаған мұдделер қақтығысын реттеу бойынша түбекейлі шараларды уақтылы қабылдау;

2.6. Тауарларды, жұмыстарды, көрсетілетін қызметтерді сатып алуға байланысты Мемлекеттік сатып алуды жүзеге асыру кезінде Шымкент қаласының денсаулық сақтау басқармасының шаруашылық жүргізу құқығындағы «Қалалық перинаталдық орталық» мемлекеттік коммуналдық кәсіпорнының лауазымды тұлғаларының міндettі:

1) Мемлекеттік сатып алу үшін пайдаланылатын ақшалай қаражатты оңтайлы және тиімді жұмсау.

2) занда көзделген жағдайларды қоспағанда, мемлекеттік сатып алуды өткізу рәсіміне қатысу үшін әлеуекті өнім берушілерге тең мүмкіндіктер беруге құқығы бар.

3) әлеуекті өнім берушілер арасында адал бәсекелестік шарттарын сақтауға міндettі.

4) мемлекеттік сатып алу процесінің ашықтығы мен айқындығы шарттарын сақтауға міндettі.

5) Сыйбайлас жемқорлық көріністеріне жол бермеуге міндettі.

6) атқарушылық құжаттар бойынша орындалмаған міндеттемелері бар және борышкерлердің немесе жосықсыз өнім берушілердің бірыңғай тізіліміне

енгізілген әлеуетті өнім беруші және (немесе) ол тартатын қосалқы мердігер (бірлесіп орындаушы) ретінде қатысуға жол бермеуге міндettі.

2.7. Өзге де шектеулер мен тыйым салулар:

- 1) Қазақстан Республикасының заңдарында белгіленген шектеулерді сақтауга міндettі;
- 2) мемлекеттік функцияларды орындаумен сыйыспайтын қызметті жүзеге асыруға тыйым салуга міндettі;
- 3) жақын туыстарының, жұбайлары (зайыптары) мен жекжаттарының бірге қызмет (жұмыс) істеуіне жол бермеу;
- 4) мұліктік және мұліктік емес игіліктер мен артықшылықтар алу немесе табу мақсатында, ресми таратылуға жатпайтын қызметтік және өзге де ақпаратты пайдалануға тыйым салуга құқылы;
- 5) Қазақстан Республикасының заңнамасына сәйкес қызметтік өкілеттігін орындауға байланысты сыйлықтарды қабылдауға жол бермеуге міндettі.

**2024 жылға арналған сыйайлас жемқорлыққа қарсы іс-қимыл жөніндегі жыл
жоспары**

p/c	Іс-шараның атауы	Іске асыру мерзімі	Іс-шараларды іске асыруға жауаптылар
1	Сыйайлас жемқорлыққа қарсы іс-қимыл мәселелері бойынша азаматтарды қабылдау	Тұрақты	Бас дәрігер, Бас дәрігердің орынбасарлары
2	Қызметкерлерге сыйайлас жемқорлыққа қарсы заңнаманы түсіндіруді және құқық қолдануды қамтамасыз ету	Тұрақты	Комплаенс офицер
3	Қызметкерлер арасында сыйайлас жемқорлық көріністерін анықтау және алдын алу бойынша шараларды іске асыру	Тұрақты	Бас дәрігер , Бас дәрігердің орынбасарлары
4	Сыйайлас жемқорлық көріністерінің алдын алу және алдын алу бойынша жұмыс жағдайы туралы мәселелерді ұйымдастыру	2,4 тоқсан	Бас дәрігер , Бас дәрігердің орынбасарлары
5	Ақша, құнды заттар, сыйлықтар, физикалық немесе моральдық сипаттағы пайда алуға теріс көзқарасты қалыптастыру бойынша іс-шаралар өткізу	Тұрақты	Бас дәрігер , Комплаенс офицер
6	Сатып алуды, тауарларды, жұмыстарды, көрсетілетін қызметтерді өткізуге орналастыру кезінде жариялыштың сақталуын қамтамасыз ету	Тұрақты	Бас бухгалтер, мемлекеттік сатып алу маманы, Комплаенс офицер
7	Сыйайлас жемқорлыққа қарсы іс-қимыл мәселелерімен айналысатын құқық қорғау органдарымен ақпараттық өзара іс-қимыл	Тұрақты	Бас дәрігердің орынбасарлары, Комплаенс офицер
8	Қызметкерлер тарапынан сыйайлас жемқорлық фактілеріне жол бермеу туралы ақпаратты ашық қолжетімділікте орналастыру	Тұрақты	Бас дәрігердің орынбасарлары, Комплаенс офицер
9	Сыйайлас жемқорлыққа қарсы іс-қимыл мәселелері бойынша азаматтардың өтініштерін объективті және жан-жақты қарауды ұйымдастыру	Тұрақты	Бас дәрігер , Бас дәрігердің орынбасарлары, Комплаенс офицер
10	Сыйайлас жемқорлыққа қарсы іс-қимыл мәселелері бойынша Шымкент қаласының ДСБ ШЖҚ «Қалалық перинаталдық орталық» МҚК-ның ресми сайтын ақпараттық және техникалық қолдау	Тұрақты	Бас дәрігердің орынбасарлары,

11	Орнатылған QR-кодтарды ақпараттық және техникалық қолдау. Қызметкерлердің сыйбайлас жемқорлыққа қарсы іс-қимыл туралы заңнама талаптарын сақтауын мониторингтеу мақсатында азаматтар қалдырған QR - кодқа өтініштерді қарau	Тұрақты	Бас дәрігер , Бас дәрігердің орынбасарлары, Комплаенс офицер
12	Шымкент қаласы ДСБ ШЖҚ «Қалалық перинаталдық орталық» МҚҚ-ның штат кестесіне қызметкерлердің белгіленген нормалар мен қолданыстағы заңнаманы нақты орындауы үшін комплаенс-офицердің штат бірлігін енгізу. Мақсаты-сыйбайлас жемқорлыққа қарсы іс-қимыл мәселесі бойынша заңнаманы бұзудың ықтимал тәуекелдерінің алдын алу	1 тоқсан	Бас дәрігер, Экономикалық жоспарлау бөлімінің бастығы